


**AWIG-AWIG DESA ADAT ANGANTIGA
DESA PETANG, KECAMATAN PETANG ,KAB. BADUNG**

SRI BHINEDA DADI PERTIWI



**ICAKA WASANINGLANA 1924
KSAMA SAMPURNA**

ATUR MANGGALA

OM SWASTYASTU

Meserana antuk pengubakti manah titiang, Kerama Desa Adat Angantiga sareng sami, sampun semuyung ngilik lingkup ngardining saha ngerajegan Awig-Awig Desa puniki, turmaning sampun kesungkemin olih Desa Adat lan Banjar Adat Angantiga.

Risampun Awig-Awig Desa Adat puniki, kalih awig-awig sane siyosan, pade rajeg, utawi kukuh, sinah panegara Republik Indonesia puniki ajeg, kariwekasan, riantukan Awig-awig Desa puniki wantah medasar antuk Undang-Undang Dasar 1945 lan Uger-Uger Negara Indonesia sane tiosan.

Gargita manah titiang sareng sami ritepengen ngemargiang Awig-Awig Desa Adat Angantiga puniki, napi malih kekukuhan dados pahan saking Uger-Uger Negara Indonesia, turmaning kewewehan lingga tangan Guru Wisesa, rauh manggala samian.

Asapunika purwakaning atur titiang, pemuput nenten lali titiang ngaturan pangayubagia, mantuke ring Guru Wisesa kalih Badung, taler matur suksema ring para manggala, lan Ida dane sareng sami, mangdane ledang nagingin kekirangan, nguwehin ring kelangkungan Awig-Awig Desa Pekraman titiang sareng sami.

Ainggih asapunika purwakaning atur titiang sareng sami.

OM SANTHI, SANTHI, SANTHI OM.

Angatiga,

PIDAGING

MAKA BANTANG AWIG-AWIG DESA ADAT ANGANTIGA

MURDHA-CITA

	Widang
ATUR MANGGALA	i
PIDAGING.....	ii
 SARGA I ARAN LAN WEWIDANGAN DESA.....	 1
 ARGA II PATTTIS LAN PAMIKUKUH.....	 1
 SARGA III INDIK SUKERTA TATA PEKRAMAN.....	 ①
Palet 1 Indik Krama.....	②
Palet 2 Indik Prajuru Desa.....	⑥
Palet 3 Indik Kulkul	8
Palet 4 Indik Paruman	9
Palet 5 Indik Druwen Desa.....	10
Palet 6 Indik Sukertan Pamitegep.....	11
Kaping 1 Karang, Tegal, Carik.....	11
Kaping 2 Pepayon	12
Kaping 3 Wewangunan.....	12
Kaping 4 Wewalungan.....	13
Kaping 5 Bhaya.....	14
Kaping 6 Penyangran Banjar.....	15
 SARGA IV SUKERTA TATA AGAMA.....	 15
Palet 1 Indik Dewa Yadnya.....	15
Palet 2 Indik Resi Yadnya.....	19
Palet 3 Indik Pitra Yadnya.....	19
Palet 4 Indik Manusa Yagnya	25
Palet 5 Indik Bhuta Yadnya.....	25

SARGA V	SUKERTA TATA PAWONGAN.....	27
	Palet 1 Indik Pawiwahan.....	27
	Palet 2 Indik Nyapihan.....	29
	Palet 3 Indik Sentana.....	31
	Palet 4 Indik Warisan.....	32
SARGA VI	WICARA MAPIDANDA.....	34
	Palet 1 Indik Wicara.....	34
	Palet 2 Indik Pamidanda.....	35
	Palet 3 Indik Rerampangan.....	35
SARGA VII	NGUWAH NGUWUHAN AWIG-AWIG.....	36
SARGA VIII	PEMUPUT.....	36

AWIG-AWIG DESA ADAT ANGANTIGA MURDHA CITTA

Om Swastyastu Nama Ciwa Budaya, Om Awighnamastu Nama Sidham.
Putusing Peseban Krama Desa Adat Angantiga gumawe awig-awig Desa Pekraman maka
sepat siku-siku pemanah, wastu prasida prayojanan mami kabeh. Prasama angidep muah
amafehaken kadi lining awig-awig iki.

Sarga I

ARAN LAN WEWIDANGAN DESA

Pawos 1

1. Desa Adat puniki mawasta Desa Adat Angantiga.
2. Jebar kekuwub wewidangannya mewasta nyatur.
 - a. Sisi Wetan Tukad Ngongkong.
 - Na. Sisi Kidul Desa Adat Kerta.
 - Ca. Sisi Kulon Tukad Sanga.
 - Ra. Sisi Lor Desa Adat Batulantang.
3. Desa Adat punika kawentenan antuk kutus karang Desa ^{Pengawit} ~~Pekraman~~ kewastanin Karang
Ayahan ~~Desa Pekraman~~ *Desa Pekraman*

Sarga II

PETITIS LAN PEMIKUKUH

Pawos 2

Desa Adat Angantiga ngemanggehang pemikukuh :

1. Pancasila.
2. Undang- undang Dasar 1945 miwah uger- uger Negara Indonesia siosan.
3. Tri Hita Karana.

Pawos 3

Desa Adat Angantiga ngemanggehang tetujon luwire :

1. Mikukuh miwah ngajegang Sang Hyang Aji Agama.. *hindu*
2. Ngajegang tata prewerti meagama.
3. Ngerajegang kesukertan Desa saha Pawongania lan niskala

Sarga III

SUKERTA TATA PEKRAMAN

Palet 1 →

Indik Krama

- ① Sane kebawos Krama Desa Adat inggih punika, warga sane meagama Hindu, tan lempas ring Awig-awig ngamong karang kedi lan karang Desa, wiadin medunungan magenah netep sejeroning Desa Adat Angantiga.
2. Tiosan punika kebawos tamiu.

Pawos 4

Krama Desa Adat wenten tigang Pawos sinanggeh Tri Angga minakadi :

1. Krama Desa ~~Pekraman~~ *penyangsur*, keluarga sane ngamong karang Desa.
2. Krama Banjar ~~Pekraman~~, Krama sane ngamong karang kedi.
3. Krama Penyungsung, warga sane medunungan netep ring Krama Desa ~~Pekraman~~ *penyangsur* wiadin Banjar ~~Pekraman~~.

Pawos 5

Ngawit dados Krama Desa Adat kepalih tigang palih :

- ① Wit ngamong karang Kedi wiyadin Karang Desa.
2. Wit jenek mepeumahan wiadin ngerereh pengupa jiwa sejeroning Banjar Angantiga.
3. Melaarapan antuk parabian wit ~~Krama ngarep miwah Krama penyungsung~~.

Pawos 6

Sehanan Krama Desa patut keni tetegenan ayah-ayahan inggih punika :

1. Ayahan Desa ~~Pekraman~~ ^{Pekraman}, keni urunan wiyadin ayahan mepek.
- ② Ayahan Banjar ~~Pekraman~~, keni ayahan mepek, wiyadin urunan mepek ring Tri Kahyangan.
3. Ayahan Balu Desa Pekraman keni urunan mepek ayahan manut balunia.
4. Ayahan balu kebinayangan :
 - a. Balu nglintik keni urunan mepek, ayahan nyibakan.
 - Na. Balu muani ngempu muani keni urunan mepek ayahan mepek.
 - Ca. Balu muani ngepu luh keni urunan mepek ayahan nyibakan.
 - Ra. Balu luh ngempu luh keni urunan mepek ayahan mepek.
 - Ka. Balu luh ngempu muanu keni urunan mepek ayahan nyibakan.
5. Prade rikalaning wenten sinalih tunggil Krama matilar sedereng puput karya, wenang krama inucap keni pamidanda tajak tilah manut perarem.

Pawos 7

Panemaya Tedun Mekrama Desa :

1. Ngawit tedun Mekrama Desa ngangken ngewarsa.
2. Yan wenten warga madunungan sejerining Desa Adat Angantiga mesengker tigang sasih warga ika nerangan padewekan dados Krama Desa / Banjar ~~Pekraman~~ ^{Adat}.

Pawos 8

1. Yan wenten Karang Kedi secutak kepah dados kalih utawi langkung, warga sane nanggap patut nedunin mekrama Desa/ Banjar Pekraman.
2. Warga sane meagama Hindu pastika jenek mapumahan ring kekuwuban Desa Adat Angantiga, boya ngenahan Karang Kedi/ Desa patut keroban keranjingan paumahan manut sulur tur supeksa ring Kelian Banjar Adat/ Desa Adat.
3. Sehanan warga sane meagama Hindu saking dura Desa numbas tanah ring sejeroning wewidangan Banjar Dinas Angantiga, patut ~~ngcranjangan mekrama~~ ^{keranjingan desa ngarep} Desa/ Banjar ~~Pekraman~~ ^{Adat}.

4. Warga sane meagama Hindu wit saking warga siosan ngeranjing mekrama Desa/ Banjar Pekraman irng Angantiga patut naur pemogpog manut Perarem.
5. Ngeranjing mekrama Desa Mesengker petang dasa kalih rahina sampun ketedunin ayahan.

Pawos 9

1. Warga Desa tan kengin ngeroban keturunan nia, ka.lih Kepala Keluarga utawi langkungan
2. Asapunika taler warga Desa Adat tan dados ngeroban tugelan yan sampun mapikuren.
3. Warga Desa sane sampun mapikuren lan sampun polih tedun ngayah dereng madruwe sentana, sinanggih tungguil padem/warga ika netep keni ayahan balu manut balunia.
4. Warga Desa ayahan roban inggih punika warga sane during mapikuren.
5. Warga sane sampun meyusa enem warsa nyantos telulas warsa mangda nginutin wajib belajar sembilan tahun.
6. Warga sane meyusa telulas warsa (SMP) kemanggehan sekehe teruna teruni, memurung kedanda manut Perarem.

Pawos 10

Warga sinanggeh tamiu inggih punika :

1. Tamiu sane meagama Hindu mekadi ring sor :
 - a. Ngerawuhin pasemetone polih tempo selamin ipun 2 wuku.
 - Na. Ngereh pekaryan polih tempo tigang rahina selanturnyane keni biya pecalang.
2. Tamiu sane tiosan ring meagama Hindu mekadi ring sor :
 - a. Ngerawuhin semeton polih tempo awuku, yan ngereh pekaryan polih tempo tigang rahina, selanturnyane keni biya pecalang manut perarem.
 - Na. Yening pacang jenek mepeumahan ring pelemahan Desa Adat Angatiga patut atur upeksa ring sane ngewidangan Desane, kengin ngeranjing mekrama Banjar Dinas.
 - Ca. Mungwing ayahan kalih urunan manut pekarsan Banjar Dinas.

→ (5)

Pawos 11

Swadarmaning Krama Desa Adat lan Swadarmaning tamiu :

1. Swadarmaning Krama Desa Adat / *Krama*

→ a. Tinut ring daging Awig-Awig, perarem miwah geguat Desane.

Na. Ngutsahayang nyujur tetujon sane munggah ring pawos kalih lan tiga ring ajeng.

Ca. Napak tis panes kerti Desane.

2. Swadarmaning tamiu

a. Tinut ring tetiwak Desane nganinin indik ngupadi kesukertan Desa.

Na. Tan Wentan nungkasin sepemargin kerti Desa.

3. Sesana Krama Desa

a. Polih pesayuban prajuru, ngemanggehan tetujon manut pawos tiga tur kebawosan muang ketiwakin pamutus wicara.

Na. Nyarengin paruman Desa Adat saha wenang nyarengin mastikayang pemutus

Pawos 12

Sinanggih tunggil krama Desa Adat nyedokin ayah wiadin kekenan, keni denda wiyadin dosa manut perarem.

Pawos 13

Mungwing ulih-ulihan sewosan saking Krama Desa lan wusan makrama Desa Adat kaunggahan ring sor :

1. Ulih-ulihan sewosan saking Krama Desa :

a. Nyada mapiteges nyelediyin ayahan, tur sane kedadosan nyade ayahan, 1 3 : warga Desa sampun mayusa paling kidik 17 warsa.

Na. Nyada mapiteges luput ayahan riantuk sampun langkung yusa wiyadin sangkaning pinunas ngaraga riantuk sakit-sakitan manut panureksan prajuru.

Ca. Nutug ayahan antuk harta brana (ngampel)

Ra. Mepuangkid ngeluputin ayah manut perarem.

2. Wusan dados Krama Desa Adat sangkaning :

a. Megingsir genah, patut atur piuning ring Klian Desa Adat.

Na. Kenoroyang antuk Krama Desane, tata cara ngenoroyang sekadi solah pawerti.

Ca. Sang kewuwusan mekrama tan polih pah-pahan saking druwen Desa.

Ra. Desane wusan maweweh pasayuban , kesukertan sekeluiring arep sang kewusan.

Palet 2

INDIK PRAJURU DESA

Pawos 14

1. Desa Adat Angantiga keenter antuk Kelian Desa Adat.

2. Kelian Desa Adat miwah Kelian Banjar Adat, keadegan melarapan antuk pamilihan, olih parumania, nyabran limang warsa, sejawaning wenten parindikan sane mabuat tur dados kapilih malih.

3. Kelian Desa Adat mawiwit saking Krama Desa Pekraman wiadin Krama Banjar Pekraman.

4. Kelian Desa Adat kesanggra (kewantu) antuk :

a. Pangliman utawi Wakil Kelian Desa Adat (Kelian Banjar Adat)

Na. Penyarikan pinaka juru tulis

Ca. Petengen pinaka juru etang / juru raksa

Ra. Kesinoman pinaka juru arah.

Ka. Pecalang pinaka juru aman.

5. Wewilangan penyanggrane, medudonan manut pawilangan, akeh kidik gegambelan.

6. Prajuru inucap ring ajeng (4) kesudi, olih Kelian Desa Adat / Kelian Banjar Adat.

Pawos 15

Swadarmaning Kelian Desa Adat miwah Kelian Banjar Adat luwire :

1. Ngenterang paruman Krama Desa / Banjar Adat.

2. Ngenterang pelaksanaan sedaging Awig-Awig miwah perarem Desa.

3. Ngeraksa saha ngenterang tata carane ngangge seraja brana druwen Desa lan Banjar Adat.

- 7
4. Nuntun lan ngenterang krama rawuhin warga Desane ngupadi kesukertan sekala lan niskala.
 5. Nuntun saha nyaksinin tata cara sangskaraning keuripane memuat sane nginggilan kalih ngilitan sulur pakula warga.
 6. Nuntun saha ngenterang warga Desa / Banjar ngupadi nginggilan Sang Hyang Aji Agama, kesucian kahyangan.
 7. Mawosin kalih niwakin pemutus ring wicara warga Desane.
 8. Nyeledihin Desa / Banjarnia metemuang bawos saking sapisira ugi.

Pawos 16

Peroning ngenterang kesukertan Niskala, Kelian Desa Adat kesangra antuk Pemangku.

1. Tata cara ngadegan pemangku :

- a. Ngerereh saking keturunan. ✓
 - Ca. Pilihan saking Krama Desa .
 - Ca. Nyanjan wiyadin nunas pawuwus Widhi .
2. Tan wenang anggen Pemangku luwire :
 - A. Sungkan ila
 - Na. Sungkan beseh
 - Ca. Buduh muwah cendala
 3. Ngadegan ngawintenan saha upakarania I pemangku lanang istri, prabianipun antuk Krama Desa / Banjar Pekraman.
 4. Rikalaning kalayu sekar Pemangku lanang istri KapitraYadnya antuk Krama Desa Adat manut perarem.

Pawos 17 / 43.

Swadarmaning pemangku patut kadi ring sor :

1. Nuntun saha ngenterang Krama Desa/ Banjar ngupadi nginggilan Sang Hyang Aji Agama, kesucian pawongan saha kesucian palemahan.
 2. Ngawentenang penyepuhan, mungwing upakarania antuk I pemangku.
 3. Yan prade I Pemangku wiyadin I Prajuru aswadarmaning nilar sesana patut kawusang manut pamutus paruman Desa/ Banjar Pekraman.
-
4. Ulih-ulihan prajuru kalih pemangku luwire :
 - a. Luputang urunan, reramon (pesuan)
 - Na. Pahan polih tanding tengah . . .

Ca. Pemangku kalih prajuru polih pahan sarin canang, penaunan pada 1/3, 1/3
(nelon) saha polih pengangge arangsukan.

5. Prajuru kagentosan riantuk :

a. Seda

Na. Kawusan tan kapilih malih.

6. Pemangku nilar sesana, wenang kagentosin.

7. Ngentosin prajuru utawi pemangku keraremin antuk I Krama Desa / Banjar
Rekrutan ring paruman Desa Adat.

8. Yan prade Prajuru inucap ring ajeng, tan nganutin swadarmanian muah perarem I
Prajuru keni pamidanda. 200 kg beras 15/2 2011

Palet 3

INDIK KULKUL

Pawos 18

1. Kulkul ring Desa luwire :

a. Kulkul Desa Lanang, Istri

Na. Kulkul Pemaksan.

Ca. Kulkul Sekaha- sekaha.

2. Tabuh tepakan kulkul Desa, Pemaksan, Sekaha- sekaha :

a. Nungting tengerang upacara yadnya ring Kahyangan.

Na. 2 tulus alon tengeran petedun ngayah wiadin petedun siosan manut
dudonan.

Ca. 4 Klentungan alon tengerang ngurungan petedun.

Ra. 5 Klentungan alon tengerang salah sinunggil warga Desane ngemedalan
oka.

Ka. 5 Klentungan mendeg raris malih 3 klentungan tengerang palas parabian.

Da. 7 Klentungan rikala wengi tengerang Warga Desa mewiwaha sangkanin
pada lila, yan tan pada lila meletan sawatara ajam kengin nepak kulkul
bulus atulud raris krama Banjar tedun tur netes kawakilin antuk
Prajuranyane.

Ta. 3 Klentungan alon tengerang salah sinunggil Krama Desa seda.

Sa. Tengerang kepanca bayan:

- 3 tulus bulus jiwa lan arta baya.

- 2 tulus bulus kelanturan antuk lelambatan tengerang geni baya.

Wa. Sahanan pasuaran kulkul Desa patut katedunin manut dudonan.

3. Yan nenten wenten, kepanca baya kulkul Desa tan wenang katepak tan sangkaning pituduh I Prajuru, sang ngenepak kulkul panca baya digelis atur piuning.
4. Sang mamurug patut kadanda manut perarem.

Pawos 19

1. Sapasira ugi warga Desa nepak kulkul Desa tan sangkaning pituduh Prajuru kedanda manut perarem.
2. Sekaha- sekahan tan keluarga nepak kulkul Desa pinaka tengerang yan mamurug kedanda manut perarem.

Palet 4

INDIK PARUMAN

Pawos 20

1. Paruman / sangkepan ring Desa Adat Angantiga wenten :
 - a. Paruman Desa/ Banjar Pekraman, kewenten :
 1. Nyabran ngesasih makacihna tanpa arah-arahan, duwaning tetep panemaya manut perarem Desa.
 2. napkala makajalarang arah-arahan tetujon.

Na. Sangkepan prajuru lan pemuka-pemuka Desa, kewentenan manut wiguna.
2. Paruman Desa utawi Banjar medudonan sekadi ring sor :
 - a. Prasida lumaksana risampun katedunang antuk sane ngemiletang atenge lintang, kemanggala antuk tengerang kulkul, tan mari ngarcana ring Ida Bagawan Penyarikan maka serana Widhi Widana cane, miwah mebusana manut dresta Agama, saha tan kalugra makta gegawan, yan mamurug kadanda manut perarem.

Na. Maka serana pengawit, jagi nyacah sepan saha riwusannyane mupulang dedosan agung alit manut perarem.

Ca. Tan kelungra ngewetuang suara gora utawi byuta, lempas ring daging. acara paruman, yan memurug keni pamidanda, biya pecamil saha nilar sangkepan sedurung sangkepan kapuputan saha kasineb antuk Parama Shanti warga ika kedanda manut perarem.

Ra. Pemutus bawos melarapan gilik seguluk prade suarane makehan sinanggeh pamutus.

3. Prade daging paruman tan keingkupin mangda prajuru Desa ngilikang, saha keputusania mangda kararian jantos ping tiga prajuru wenang nunas bawos ring sang ngawewenang.
4. Prajuru mangda jakti-jakti tatas sane kedadosan foting.

Pawos 21

1. Sejeroning paruman Desa, Kelian Desa patut nyiarang pemarginia ngenterang Desane, pemekas indik :
 - a. Ngunjuk lungsuring pekraman saha ayah-ayahan, sulur arta brana druwe Desa.
 - Na. Pangerencana prajuru nganinin usaha Desa kapungkur.
 - Ca. Daging perarem miwah pasuara sane mabuat.
2. Sangkepan prajuru Desa kepatutan wantah ngerincikan pengerencana usaha Desa kepungkuran.
3. Sangkepan prajuru Desa nenten kepatutan ngemedalan tetegenan ring Krama sedereng keingkupin antuk Krama Desa.
4. Pemutus sangkep Prajuru Desa kewetuang pesuara maka pidaging pituduh sang ngawiwenang utawi ngonekang pecak perarem Krama Desa.

Palet 5

INDIK DRUWEN DESA

Pawos 22

Padruwen Desa Adat Angantiga sekadi ring sor :

1. Kahyangan Desa luwire :

a. Kahyangan Tiga

Na. Pura Praja Pati

Ca. Pura Melanting

Ra. Taman Beji

Ka. Pura Pucak Tandan utawi Pelinggih Padma di Tandan.

Da. Pura Pesimpangan Sang Hyang Basuki.

2. Bale Banjar Desa Adat
3. Tanah carik pelaba Pura.
4. Karang Druwe Desa

5. Setra Pelemahan, mekadi setra pekingsan, setra pengrare.
6. Lelanguan mikadi Angklung
7. LPD.

Pawos 23

Olih-olihan Desa Adat Angantiga luwire :

1. Olih-olihan saking pelaba Pura
2. Urunan Krama Desa Adat
3. Paica saking Guru Wisesa.
4. Paica-paica lan para idane sane tiosan sane patut.
5. Utsaha LPD.

Pawos 24

Pajuru Desa ngetangan pamupon pelaba Pura Lan sepenunggalan druwen Desa, saha pamuponia keanggen prabia piodalan, lan ngewangun ring Pura.

1. Seke luire druwen Desa patut wenten ilikitania
2. Tan kelugra ngadol utawi siosan padruwen Desa yan tan kasungkemin antuk I Krama Desa.

Palet 6

SUKERTA PAMITEGEP

Kaping 1

KARANG, TEGAL LAN CARIK

Pawos 25

1. Krama Desa pengepon Karang Kedi Karang Desa patut ngewatesin karang karang inucap antuk pagehan/ turus utawi tembok mangda pekantenania bersih, asri lan rapi.
2. Wates sisi kaler, kangin, kēlod, lan sisi kauh sang nuwenan karangan mangda pastika. Sane mewasta ngegaleng keluan, sejawaning tanah pecatu, tegal, carik utawi tanah padruwen ngeraga sane kepiara batese sisi kelod miwah kauh, reh punika mewasta gegaleng ke teben.
3. Karang kebelengbeng patut keutsahayang margi.

Pawos 26

1. Sinalih tunggil Krama Desa tan kelugra :
 - a. Ngalah- alah margi, tegal ayahan Desa, Karang Desa, tegal, carik.
 - Na. Ngalah- alah tanah, tegal, Kahyangan, Setra lan sekancan sinanggeh Karang Suci.
2. Prade wenten warga Desa sekadi ring ajeng, sang ngalah- alah patut ngewaliang tanah inucap saha keni pamidanda pararem.

Kaping 2

PEMAYONAN

Pawos 27

1. Ngawit nandur pepayonan tanemtuwuh patut adepe agung ngajeroang sakeng wates, prade jantos ngeliwat wates wenang kesepat gantungin.
2. Yening wenten tetanduran ngungkulin, semaliha mewastu mayenin kepisaga patut kewarsa antuk paigun ping ajeng prasida sang nruwenang ngebah notor.
3. Prade sampun kewarsa taler tan wenten usaha sang nruwenang tur sang rumusa ketetehan wenang mesadok ring Prajuru, tur keparitetes kelugra ngicalang taru inucap, masengker kalih wuku , yan tan kaicalang pepayon kebah tur taru punika ketiba ring sang ngebah.
4. Yening durung telas pawanengan pepayonan punika, empak, pungkut, tur mayanin sang madruwe patut miyayein sang sane kebayein saha merascita sane kerubuhin, asapunika taler sang mamenggel notor, nebah taru ngerubuhin wewangunan warga siosan.
5. Sehanan Krama Desa patut ngemanggehang kewerdian tanem tuwuh sane ngawinin Desane asri tur lestari.

Kaping 3

WEWANGUNAN

Pawos 28

1. Nyabran ngewangun sehanan warga patut :
 - a. Mesadok ring Prajuru, ping ajeng prade wewangunan ngeninin bates.

Na. Ngangge asta bhumi miwah gegulak asta kosala- kosali., senistane manut ring petitis niskala.

Ca. Tan nyayubin kepisaga.

2. Prade wewangunan jantos nyayubin bilih- bilih tembok ring telengin bantes, risapunika kewarsa tur kesadokang ring prajuru warga ika kedanda manut perarem saha tembok inucap kagubar sanistane kabuatang abangan.

a. Ngembahang toya kepekaragan tiyosan, kamargi sajawanin toya sabeh.

Na. Ngentungan lulu, ketukade, kemargine, bilih- bilih keperhyangan sane kesuciang.

Ca. Tan kalugra makoratan ring telabahe, tukad, bilih- bilih ring genah sane sampun kesuciang.

Ra. Yan mamurug kecap (a, Na, Ca) kedanda manut perarem.

Kaping 4

WEWALUNGAN

Pawos 29

1. Sehanan warga Desa memiara wewalungan (bawi, godel, mabelas utawi banteng sane sampun masaluk Tali) patut siaga nitenin negul / ngelosor mangda tan ngerusak karang utawi paabian krama siosan, bilih- bilih jantos ngeranjing ngeletehin Kahyangan.
2. Prade wenten wewalungan ngeleb, sane madruwe wewalungan ngeleb ngerusakin pekarangan / peabian krama siosan kedanda manut perarem saha ngulihan upah, bilih- bilih ngeranjing ke Perhyangan, ngupakara Perhyangan kalih nawur pamidanda manut perarem.
3. Wewalungan ngeleb sampun ping tiga polih pelungguhan wenang ketaban, sesampun atur piuning ring prajuru, ketibakang pamidanda wewalungan ketebus nikel sakeng dandane.
4. Asasih ketaban ping tiga wenang keambil tan katebusin nanging mangda kaputus antuk I Prajuru , pahan taban dados tiga.
5. Krama Desa / Banjar Pekraman patut nyanggra wewalungan miwah sarwa prani, tan kepatut ngemademang paksi miwah nuba ulam miwah sane tiosan, yaning tiwal kedanda manut perarem.

Kaping 5**BHAYA****Pawos 30**

1. Pari indik bhaya, luwire : Jiwa bhaya, arta bhaya, dura cara ring Agama.
2. Sang manggihin kehanan jiwa bhaya, patut nepak kulkul bulus mapitulung antuk pawos 18 (2) ring ajeng.
3. Prade ring Desa kehanan jiwa bhaya, patut Desane ngaturang Butha Yadnya tur sang mayanin katur ring sang ngawerat.
4. Prade wenten jatma memisuh utawi nguman- uman jatma tiyosan turmaning saling sawurin kapamidanda manut perarem.

Pawos 31

1. Sang ngemangghang kehanan arta bhaya (kemalingan), nepak kulkul mapitulung anut ring pawos 18 (2) sang kemalingan atur supeksa ring prajuru Desa sane pacang nimbangan nindanin anut daging KUHP saha mawuwuh penyangaskara prade wenten jatma ngemaling padruwen sinanggeh suci, kedanda manut perarem.
2. Pratingkahe mapailon ring dusta kabawos saruron parade ngemangghang maling tan nyadokan ring prajuru jantos tempo tur jatma tiyos nyadokang, patut kedanda kadi dandaning maling, prade jantos ping tiga malaksana asapunika wenang kesukserahang ring sang ngawewenang.
3. Prade wenten jatma ngerereh reramon, minakadi daun kelapa, ron tanpa sadok ring sang nruwenang, prade kecunduk / ketara patut kedanda dandaning maling.
4. Yening wenten jatma ngeranjing kepakubon rikala suwung, mewastu sang madruwe karang kaicalang, wenang jatma inucap ketuwekang antuk madewasaksi ring Pura Bale Agung.
5. Mangda tan katuwekang manut ring ajeng, asing- asing ngeranjing ring kubon , warga tiyosan patut :
 - a. Metengeran suara / mekaukan
 - Na. Nyantos sang nruwenang karang rawuh utawi masadok ring pangapit pinih nampek, maka buatang pengeranjingnyane.
 - Ca. Pemedal karangnia kedagingin sawen, maka cihna pengarah rikala suwung.

Kaping 6
PENYANGGRAN BANJAR
Pawos 32

Krama Desa rikala ngewentenang karya suka duka patut kesanggra antuk Banjar luwire :

- a. Prade ngewentenang Dewa Yadnya ring suwang- suwang paumahan, manut pinunas sang meyadnya.
- Na. Yan ngewangun Pitra Yadnya utawi Manusa Yadnya, manut pinunas sang meyadnya.
- Ca. Pengerombo utawi gotong royong krama nyantos paetangan prajuru Desa/ Banjar.
- Ra. Panguingu rikala Pitra Yadnya anut abot ingan yadnya prade sakeng semengan ngantos wengi katurang pingu ping kalih.

Sarga IV / menjadi sarga 3.
SUKERTA TATA AGAMA ,
Palet 1
INDIK DEWA YADNYA
Pawos 33.4 .

1. Pelinggih penyiwan wewidangan Desa Adat Angantoga luwire :

- a. Kahyangan Tiga
- Na. Pura Melanting
- Ca. Pura Pengulun Setra (Prajapati)
- Ra Taman Beji
- Ka. Pucak Tandan
- Da. Pura Basuki

2. Panumayan ngenteg linggih suang – suang Pura Kahyangan Desa riwekas keajegan piotalan luwire : *Teqak 2 dalam*

- ter.* a. Pura Desa / Bale Agung rikala Anggara Kliwon, Perang Bakat.
- 3* Na. Pura Puseh rikala rahina Anggara Kliwon, Julungwangi.
- Ca Pura Dalem rikala rahina Buda Wage Kelawu.
- Ra. Pura Prajapati rikala rahina Buda Wage Kelawu.
- Ka. Pura Melanting rikala rahina Buda Wage Merakih.

Da. Pura Pucak Tandan rikala rahina Buda Kliwon Sinta

Ta. Pura Pucak Tedung rikala rahina Saniscara Kliwon Krulut.

3. Pengaci/ pujawali ring Pura inucap manut kecap sastra Agama saha kelaksanayang manut nista, madya, utama manut kewentenan lan perarem.
4. Prabia pengaci inucap ring ajeng kaetangang antuk Krama Desa, yan mamurug kedanda manut perarem.

Pawos 34

Eedan aci/ upakara puja wali kadi ring sor :

1. Caru kawentenang sedereng ngaturang puja wali.
 2. Pesucian Ida Sang Hyang Widhi sedurung ngaturang piodalan.
 3. Puja wali ngaturang piodalan ring Ida Sang Hyang Widhi antuk upakara pawidhi widanan taler upah- upahan ring buta kala.
 4. Sejeroning mapiteges pamuput upakara, kewentenang wewalian.
 5. Rikala patirtan kalih tawur kwsanga warga Desa patut :
 - a. Warga Desa sami medek ngaturang bakti wiadin ngaturang sembah sejaba kepialang, kecuntakaan.
- Na. Mabusana manut Dresta.
6. Rikala warga Desa / Banjar ngeranjing keperhyangan sejabag Desa Adat Angantiga patut atur piuning ring prajuru tur mabusana Adat manut dresta, prade tan nginutin kadi ring ajeng kedanda manut perarem.

Pawos 35

1. Tata kramaning sembah kadi ring sor :
 - a. Muspa sinarengan ketuntun antuk Pemangku.

Na. Muspa niri- niri ketuntun antuk Pemangku.
2. Makta kwangen kalih sekar niri- niri sakeng jero,* rikanjekan muspa sinarengan linggihe majejer manut sesana.
 - a. Sane lanang linggihe padmasana.

Na. Sane istri linggihe bajrasana.
3. Pemuspan kemargiang kadi ring sor :
 - a. Muspa antuk tangan puyung.

Na. Muspa antuk se kar barak.

Ca. Muspa antuk sekar putih.

Ra. Muspa antuk sekar kuning.

Ka. Muspa antuk tangan puyung sewusan nunas tirtha.

4. Sewusan muspa rikala pacang metangi mangda medudonan ngawit sakeng unkur, sang mamurug kedanda manut perarem.

Pawos 36

Sejawaning pujawali ring ajeng wenten sinanggeh rerainan jagat, krama Desa Adat Angantiga patut maturan manut paetangan.

1. Siwa latri ring purwaning tilem kepitu mesambang semadi.
2. Saniscara Umanis Watugunung (Aji Saraswati) pengastawa Ida Sang Hyang Widhi rikala ngelugrayang pangeweruh, warga Desa ngewentenang tapa brata.
3. Radite Sinta warga Desa patut ngelaksanayang banyu pinaruh.
4. Buda Kliwon Sinta (Pagerwesi) pengastawa Ida Sang Hyang Widi pramesti guru, warga Desa nyuciang pedewekan natak suaran payogan Ida.
5. Buda Kliwon Dungulan (Galungan) sukseman idep, warga Desa ring kewentenan Tri Buana, suwang- suwang lebu masang penjor.
6. Saniscara Kliwon kebawos tumpek :
 - a. Tumpek Landep pengastawa Ida Sang Hyang Widhi ring penguripan saha senjata.
 - Na. Tumpek Wariga pengastawan Ida Sang Hyang Widhi ring sarwa tanem tuwuh
 - Ca. Saniscara Kuningan / Tumpek Kuningan, ngastawayang kedirgayusan saha pamimitan wahyadyatmika ring Ida Sang Hyang Widhi.
 - Ra. Tumpek Uye pengastawa Ida Sang Hyang Widhi ring sarwa wewalungan
 - Ka. Tumpek Krulut pengastawan Ida Sang Hyang Widhi ring bunyi- bunyian.
 - Da. Tumpek Wayang Ida Sang Hyang Widhi Batara Iswara.
7. Purnama warga Desa ngastawa Ida Sang Hyang Widhi rikala Ida mabiseka Ida Sang Hyang Candra Ratih.
8. Tilem warga Desa ngastawa Ida Sang Hyang Widhi rikala mabiseka Ida Sang Hyang Surya Raditya.

Pawos 37

Kesukertan Kahyangan kadi ring sor :

1. Tan kelugra ngeranjing ring genah- genah suci (pura) :
 - a. Sebel kandel ngraja sewala, sami dereng mebersih.
 - Na. Sebel madruwe putra, selami 42 rahina (polih puwangkidan)
 - Ca. Sebel pengantenan, selami dereng mabiyakala, miwah cuntaka sangkaning padem manut sengker.
 - Ra. Sebel riantuk madruwe keluarga padem / kelayu sekar kantos mesapuh.
 - Ka. Sangkaning bareng kesinanggeh ngeletehin.
 - Da. Sato agung, sejawaning rikala mapada.
 - Ta. Sedereng polih wuak- wuakan (pituduh prajuru)
2. Pratingkahe tan wenang ring pura :
 - a. Memisuh kalih wakpurusa.
 - Na. Masumpah /cor sejawaning pituduh prajuru.
 - Ca. Mesesenengan, makolem dados asiki lanang – wadon, mebacin / mewicara nyangsang busana, menehin pusungan (santukan punika rikala majejaitan)
 - Ra. Munggah tedun ke pelinggih sejawaning pituduh prajuru.
3. Sang memurug kecaping ring ajeng merascita saha kedanda manut perarem.

Pawos 38

1. Prade perhyangan kehanan durmangala ngeletehin perhyangan minekadi kepanca bhaya, pemangku patut digelis nyadokan ring prajuru mangda marumang krama Desa, ngewentenang upakara manut kecaping sastra (durmangala rogo sengara) kalih bacaan durmangala.
 - a. Kesamber dening kilap.
 - Na. Kerubuhan.
 - Ca. Siniratin getih wong.
 - Ra. Ketunuan.
 - Ka. Lulut.
2. Yan wenten jatma kerawuhan ring Pura, kengin kepintonin prade rumasa kesumang sayaan, yan tan wiakti jatma inucap kedanda saha kantos ngewetuang rah kedanda manut perarem.

Palet 2**INDIK RESI YADNYA****Pawos 39**

1. Sang pacang madeg Pandita minekadi Balian, Sonteng, Kubayan, Dalang, sekeluwire jagi ngenterang yadnya patut mesadok ring prajuru Desa kalih Parisada Hindu Dharma.
2. Prajuru Desa patut ngawas nitenin tur wenang ngalangin prade wenten kecihnaan sasar kecap miwah drestane, tur sareng nyaksiang upakara saha nyiarang ring paruman Desa tegap rawuh kewenangan pengenter yadnya.
3. Krama Desa patut ngaturang ayah sepemadeg miwah ring pengelepas sang Sulinggih, riwekas ketuntun antuk prajuru Desa.
4. Sang Sulinggih, Sonteng, Dalang miwah sane tiosan patut ngeriinang ngayunin ring wewidangan jagat Angantiga, sesampun wawu muputang yadnya kejebar tiosan jagat utawi ke dura Desa.
5. Krama Desa sami patut sareng ngawas nitenin ketuntun antuk prajuru, mangda sehanan yadnya sane kewentenang kaucap puput olih pinandita manut kewenangania sowang- sowang.

Palet 3/ 2**INDIK PITRA YADNYA****Pawos 48 10**

Pamargin Pitra Yadnya madudonan sekadi ring sor :

1. Pengupakaran sang kelayu sekar ;
 - a. Pemendeman sawa mecihna pekingsan ring Ibu Pertiwi.
 - Na. Dudonan paetangan upakara ring Kahyangan Jagat/ Sad Kahyangan, Tri Kahyangan taler saking pituduh Guru Wisesa.
 - Ca. Patut keabenan / manut perarem Desa.
 - Ra. Brahma Prascita kengin, pengabenania maletan paling lami awarsa.
 - Ka. Atiwa-tiwa (upakara pengabenan/pelebon)
2. Upacara upakara Pitra Yadnya riwusan keabenang mewastu mungghah daun bingin (ngrorasan, nyekah) wawu ngelinggihan Dewa Hyang Bhatara Bhatari.

Pawos 41

Swadarmaning lan tetegenan prade wenten sinanggih tunggil Krama kelayu sekar :

1. Sang keduhkitan patut :

a. Nyadokan ring prajuru Desa tur nunas tetimbangan ring kewenangania.

✕ Na. Ngaturin I Prajuru mangda I Krama ngerombo mekarya eteh-ete sawa kedulurin panyambroma canang asida antuk.

(2) Swadarmaning Krama Desa/ Banjar :

a. Kelian Banjar marinetes pemargin sang keduhkita, napike pacang mekingsan riya utawi lantur keabenang.

Na. Prade sampun mejanten raris kesuarang kulkul petahu manut pawos 18 (2) antuk Kelian pasuka duka (Kelian Banjar Adat)

Ca. Penyangran Krama Banjar selantur nyane :

- Sowang-sowang Krama Banjar nedunin patus manut perarem.
- Ngerombo ngaryaning eteh-ete sawa saha kesarengin antuk warga sane rawuh.
- Krama Banjar sami mangda nganter ke setra nyatos puput mendem utawi pengiriman yan prade keabenang.

Ra. Ngelelet tan kengin maletan ring awuku.

Ka. Sedurung sawane kebakta ke setra patut kagebagan antuk Krama Banjar. manut paetangan yan piwal ring pamargi kedanda manut perarem.

Da. Warga Desa rikala lunga ring sang lampus patut mabusana manut dresta.

Ta. Tan kalugra nginepang bangbang, miwah mendem rikala : semut sedulur,

kala gotongan, was panganten, purnama, tilem, rarainan jagat, pasah nyandung ngirim wangke tetiga sepisanan.

Sa. Prade wenten kelayu sekar, rikala piodalan, tan kengin mendem sawa tur warga ketutup (riantuk Ida Hyang Widhi kari ngadeg).

Wa. Sawa sane patut kependem premangkin .

- Anak alit durung meketus.
- Warga seda ngadut beling.
- Warga Desa sakit ila (kedadosang taler ketunjel premangkin). Pemargin sawa kelaksanayang amandung amawa suar tur macihna : tanpa pasuaran kulkul, tanpa maupakara banten tan magegemuk saha maploncor mamargi wengi tur makta sundih.

Pawos 42

Pemargin sawa saha pemendemannia, kadi ring sor :

1. Tan wenang ngelangkahin sawa, mungwing pemendeman sawa inggih punika sawa kemargiang riinan kependem, tur kaupakara saji pengiriman tan kepatutan malih mendem sawa risampun kependem san inupakara, selantur ipun jantos sami sawane kaupakara.
2. Yan wenten Warga dura Desa kacunduk seda sejeroning Desa Adat puniki sangkaning sakit utawi sane tiyosan patut digelis mesadok ring prajuru Desa Adat taler ring sang angawerat, risampun ketureksa ring sang angawerat tur wenten pituduh Warga Desa patut mapitulung. Yening pacing kependem utawi kegeseng ring setra Desa Adat Angantiga patut :
 - a. Warga ika nganutin keletehin, ngaturang pengaci manut dresta saha nawur panukun setra manut perarem.

Na. Atur supekta ring prajuru Desa.
3. Seda salah pati, ulah pati sawania kengin bakta budal tur keprateka.
4. Krama sane seda ring dura Desa muah genah sane lianan, krama Banjar patut ngerereh makta budal manut paetangan prajuru saha perarem.
5. Prade wenten sinalih tunggil krama ngentas sawa (ngeseng) sinarengan, pamendem sawa kemargiang riyinan tan nganutin genah sawa, raris ngemargiang upakara pengabenan.
6. Krama Desa tan kelugra :
 - a. Mendem tur ngeseng sawa sane tiyosan ring setra pengesengan .

Na. Muat tanah setra ke Desa pekraman .

Ca. Mekarya undag- undagan gimanti kuburan.

Ra. Mendem warga seda ngadut sedurung bobotannia medal.
7. Sang memurug kecaping ring ajeng 6 (a-ra) kedanda manut perarem.

Pawos 43

1. Bacakan yusa warga sane patut keabenang :
 - a. Warga sane mayusa tigang sasih, upakara pengabenania kemargiang antuk ngelungah.

Na. Warga sane sampun maketus ngungahang upekara pengabenania sekadi biasa

2. Warga Desa sami mangda kapitra yadnyang patut :

a. Nyabran limang warsa kawentenang pengabenan sinarengan.

Na. Yang wenten warga sane kaputungan keni kalayu sekaran patut ke upakara, patut ke upakara antuk Krama Banjar manut perarem.

Ca. Nyantos limang warsa tan prasida ngewentenang upakara pengabenan, warga ika kapitra yadnya antuk krama banjar manut perarem.

3. Upakara kemargiang manut kesidan.

4. Tiyosan ring ajeng swadarmaning krama banjar lan sang madruwe kalayu sekar maweweh malih mekadi ring sor :

a . Sang madruwe kalayu sekar patut :

- ngaturang reramon utawi sane tiyosan.
- Ngaturang pedaging rikala mebat.
- Tan nerima tetempungan yaning ngaben alit.

Na. Swadarmaning krama banjar ring ngewentenang upakara pengabenan patut:

- Ngemedalan patus manut perarem kadi ring pawos 41.
- Mebat ngayaning ulam upakara, katurang ajengan.
- Ngaryanang Bale gong, surya, pawedan, Bale Selunglung, pamuun .

5. Parindikan panyekahan sawa luwire :

a. Ngaben alit tan wenang nyekeh sawa langkungan ring kalih wuku.

Na. Ngaben utama tan langkungan ring enam wuku.

Ca. Ngaben utama tan langkung ring tigang sasih.

6. Yan krama tiyosan Desa matempung Klian Banjar patut maosang nganinin upakara pamiut saha sesari manut perarem. -

7. Tata caraning ngemedalang sawa :

a. Kedabdab antuk prajuru.

Na. Tan kengin ngemedalan swara goro / ngarap.

8. Sapa sira ngulungan sawa ngantos tiba ka tanah kedanda antuk pemerascita.

9. Nyekah, meajar – ajar pinaka upakara Pitra Yadnya kaping ungkur kelaksanayang sakesidan.

Pawos 44

1. Sane kasinanggeh kecuntakan sekadi ring sor puniki :
 - a. Cuntaka antuk ngelayu sekar
na. Cuntaka antuk ngeraja swala.
Ca. Cuntaka antuk Ngembasang putra
Ra. Cuntaka antuk keruron
Ka. Cuntaka antuk sungkan ila, buduh.
Da. Cuntaka antuk gamiagamana.
Ta. Cuntaka antuk pawiwahan.
Sa. Cuntaka antuk salah timpal
Wa. Cuntaka yening wenten anak istri ngewetuang putra sedurung maupakara
pabiokawonan tur pawidhi widanan.
Ga. Cuntaka antuk sad atatayi
2. sengker cuntaka manut kawentenania :
 - a. Cuntaka kalayu sekar, cuntakania 12 rahina utawi nyantos mapegat
Na. Cuntaka ngeraja swala, 3 rahina ngawit saking ngeraja swala.
Ca. Cuntaka ngembasang putra 3 sasih ngawit embas putra nyantos keupakara
makambuan tur merascita guru rupakania.
Ra. Cuntaka karuron, cuntakania abulan pitung rahina.
Ka. Cuntaka pawiwahan, cuntakania ngantos sesampune matirta pabiukaonan
saha pawidhi widana.
Da. Cuntaka gamia gamana, cuntakania ngantos sesampune kapalasan masapihan
tur sampun kawentenang pamerescitan raga tur sampun kawentenan
pamerascita.
Ta. Cuntaka anak istri mobot nenten kawentenan upakara pabiukawonan.
Sa. Cuntaka memitra gegalang, cuntaka ngantos kawentenan upakara
pabiukawonan.
Wa. Embas putra wenten upakara pabiukawonan pawidi widana cuntakania
ngantos wenten sane memeras sang putra tur sampun kawentenan upakara
manut desta Agama.
La. Cuntaka sad Atatayi, cuntakania ngantos sampun meperascita.
3. Cuntaka kelayu sekar dudonannia :
Mapendem Cuntakania.:

a. Cuntaka sebel kebanjar laminia 3 rahina raris ngewentenang Pemerascita.

Na. Keluargania sejeroning pekarangan nyantos 12 rahina.

Ca. Matempung ke dura Desa cuntakania Nyantos Upakara pengrorasan.

Keabenan cuntakania.

a. Sang mndruwe karya Pitra Yadnya cuntakania ngawit ngerencana karya rawuh yadnyania.

Na. Ngewangun cuntakania ngawit saking pengeplungan sawa ngantos puput.

4. Sane tan keni cuntaka luwire :

a. Sang Sulinggih

na. Pemangku Kahyangan tiga

Ca. Sang Angawa Rat / Prajuru

Ra. Tukang banten.

Pawos 45

1. Atiwa-tiwa (pengabenan) kelaksanayang sekadi :

a. Nyawa Resi Nyuasta Geni

Na. Sawa prateka

Ca. Ngaben Kusa Pranawa.

Ra. Ngaben Toya Pranawa

2. Panemaya pengabenan wenten kalih palet :

a. Ngaben dadakan/ bah bangun kadadosan sajeroning 3 (tigang) rahina ngantos 7 (pitung) rahina.

Na. Ngaben sinarengan ring sejeroning Desa Adat masengker limang warsa

Ca. Dudonan pengabenan ngawit saking ngeplugin, ngabenang jantos pangiriman utawi nganyut.

Ra. Peputusan kelayu sekar / pengabenan manut pawos 41.

Ka. Pangingu ring Krama Banjar ngawit ngayah manut abot dangan kawentenang Karya manut perarem.

Palet 4
INDIK MANUSA YADNYA
Pawos 46

1. Manusa Yadnya inggih punika upakara-upakara darmaning manusa ngawit, saking petemoning kama bang kalawan kama petak sejeroning garba ngantos kelayu sekar riwekas.
2. Upakara kadi ring ajeng madudonan sekadi ring sor.
 - a. Magedong-gedongan duk pengerempiniang ibiang.
 - Na. Upakara dapetan sang rare wawu medal
 - Ca. Upakara kepus udel
 - Ra. Nyolongin upakara ring abulan pitung dina 42 rahina
 - Ka. Upakara ngambunan/ nyambutin meyusa tigang sasih.
 - Da. Ngotoning upakara ring enem sasih.
 - Ta. Upakara/ upacara matatah.
 - Sa. Upakara / upacara pewintenan.
 - Wa. Upakara / upacara pawiwahan mekadi.
 - Upakara pabiakalan lan
 - Upakara pasakapan.
3. Upakara-upakara inucap manut nista, madya, Utama taler manut sastra agama saha Catur Dresta.

Palet 5
INDIK BUTA YADNYA
Pawos 47

1. Bhuta Yadnya inggih punika upacara pabiakala ring pertiwi lan Kahyangan taler ring sarwa prani saha upaca-upacara ring bebhutan.
2. Upaca pebiakala ring sarwa prani liwire :
 - a. Ring sarwa tumuwuh rikala tumpek pengatag
 - Na. Upacara ring sarwa ingon-ingon, rikala tumpek uye.
 - Ca. Upacara pekalan-kalan manusa manut kawigunania
3. Upacara ring pratiwi, Kahyangan lan bebhutan kewastanin caru :
 - a. Eka sata
 - Na. Panca Sata
 - Ca. Panca Sanak

Ra. Panca Kelud

Ka. Rsi Gana

Da. Tawur Agung

4. Sejawaning kadi ring ajeng kewentenang upakara :

a Yadnya Sesa utawi saiban katur serahina wusan ngerateng.

Na. Mesapuh-sapuh rikala pacang ngewentenang aci ring Priyangan utawi makelemigi.

Pawos 48

1. Sajawaning puja wali ring ajeng wenten sinanggeh rerainan jagat Krama Desa/ Banjar patut ngaturang puja wali manut paetangan.

2. Rahina tawur ke sanga penyepian kalih ngembak geni kejantenan antuk sang ngawerat.

Tata cara ngelaksanayang Tawur ke sanga, penyepian, rawuh ngembak geni :

a. Pakiyisan kelaksayangan kalih dina sedurung tawur kesanga/ manut paetengan.

Na. Arahina sedurung pakiyisan Pratima Kahyangan Tiga Pratima Kahyangan sejeroning Desa Adat Angantiga mangda parum ring Bale Agung.

Ca. Penyejeran kewentenan arahina risampun Pakiyisan.

Ra. Tilem ke sanga I Krama Desa / Banjar ngaturan pecaruan, rawuh pecaruan ring suwang-suwang lebu.

Ka. Tilem ke sanga nyoreang ngantukang Pratima keparhyangan sowang-sowang, nepet sanikala kawentenan pangrupukan.

Da. Penampihan tanggal ping pisan sasih ke dasa kelaksanayang penyepian.

3. Sesan Krama Desa / Banjar Adat rikala penyepian sekadi ngelaksanayang Catur Brata Penyepian, dedudonipun :

a. Amati geni mates tan meapi-api.

Na. Amati karya mates tan ngawentenang karya.

Ca. Amati lelangan tan ngulurin indria. muah masuara gora.

Ra. Amati lelungan tan kelugra lunga (medal) saking peumahan.

4. Ngembak nyepi kelaksanayang ring tanggal ping pindo, warga memurug brata penyepian kedanda manut perarem.

5. Yan prade wenten upakara yadnya nemonin penyepian patut nunas penugrahan ring prajuru Desa Adat. Prajuru Desa nureksin ketreptian penyepian kesanggra antuk pecalang mawosin tur niwakin pemutus.
6. Nemonin ngembak nyepi, mangda I Krama Desa ngewentenang pengeleburan yoga semadi.

Sarga V

SUKERTA TATA PAWONGAN

Palet 1

INDIK PAWIWAHAN

Pawos 49

1. Pawiwahan inggih punika patemoning purusa oradana, malarapan panunggalan kayun suka cita kedulurin upasaksi sekala niskala.
2. Tata cara pawiwahan luwire :
 - a. Pepadikan, kemanggala antuk pekraman.
Na. Ngerorod, marangkat riyin wawu kekrunayang.
Ca. Nyeburin utawi sentana nyeburin (risampun nganutin upakara pemerasan).
3. Pidabdab sang pacang mewiwaha patut :
 - a. Sampun munggah Daha –Teruna (prasida nganutin undang- undang) .
Na. Sangkaning pada tresna (tan terpaksa)
Ca. Nganutin kecaping Agama (tan gamia gemana)
Ra. Kasudi wadani prade pengambile lian Agama miwah kepati wangi .
Ka. Pemargin pewiwahan mangda taler nganutin undang- undang pawiwahan saking sang ngawiwenang.
4. Pawiwahan kapatutan ring Desa Adat Angantiga sekadi ring sor :
 - a. Upakara pabyakala utawi pesakapan, kesaksiang sekala niskala antuk pandita utawi pinandita saha masengker tigang sasih prade mamurug kedanda manut perarem.
Na. Wenten pesaksin prajuru sane ngilikitayang pawiwahane punika.
Ca. Metengeran antuk pasuaran kulkul.
Ra. Pawiwahan inucap ring ajeng mangda keilikitayang utawi kecatat ring kantor Camat utawi catatan sipil Kabupaten Daerah Tingkat II Badung.
5. Pawiwahan sane tan manut kadi ring ajeng sinanggeh pawiwahan tan patut (tan syah).

Pawos 50

Tata caraning perabian sane patut ring sor :

1. Sapa sira ugi pacang ngewarangan pakuluwargan patut mesadok ring prajuru, selanturnyane prajuru maritetes manut tan manut kecap parabine.
2. Pamargin pepadikan manut dudonan :
 - a. Antuk canang.
 - Na. Pras ajengan daksina saha canang pengrawos.
 - Ca. Antuk tipat bantal, kebawos puput pepadikan.
 - Ra. Risampun puput adung, raris sang istri keajak budal ring pakubon sang lanang, saha kelanturang antuk pabyakalan.
 - Ka. Mangda puput tumus sekala niskala, raris kulawarga purusa makta pejati ring pemerajan sang wadon.
3. Prade ngerorod merangkat patut :
 - a. Keluarga sane lanang ngewentenang pangluku antuk duta sekirangnya kalih diri, pemargin dutane tan kasepan ring arahina yang madohan, pemargin dutane mewaneng tigang rahina, prade warga Desa tiwal pemargi inucap kedanda manut perarem.
 - Na. Yan keluarga dahane nerima pengelukuane patut nyuarang kulkul tan kengin kasepan ring tigang rahina, prade mamurug suaran kulkul, kulkul ketepak antuk prajuru reraman dahane, kedanda manut perarem.
 - Ca. Prade penglukuane tan keterima patut nepak kulkul 5 klentungan meletan ajam raris bulus atulud, sepengrawuh krama banjar saha prajuru Desa patut nunas penuntun pacang netes pengerorodan punika. Yan tan melaku kantos ketapakan kulkul bulus, sang madruwe lanange kedanda manut perarem.
4. Tata caraning netes pengerorodan :
 - a. Prajuru nureksa jati tan jati pengerorode sangkaning wirang, yan sangkaning wirang I Kliyan digelis ngaturang seserep keumah/ genah pengerorode.
 - Na. Sane ngeranjing sejeroning umah wantah kelugra kliyan ring reraman dahane, tan kengin makta gegawan saha metingkah kalih mebawos tan patut.
 - Ca. Prajuru nuwenang patute mangda penetese :

- Sang netes mangda sangkaning rahayu marep ring sang ketetes.
- Prajuru ngicening pesayuban manut ring daging idep sang ketetes, niwakin pemutus daging kayun sang ketetes yan sangkaning adung penyerepe ketulakin.

Ra. Sejeroning pekrunan / penglukuan patut :

- Kemanggala antuk geng pengampura arep ring penglingsir dahane.
- Keigumang bawos idih mekidihan utawi pelegayan arep peswakan sang ngidih saha dewasa pekerab kambenya riwekas.
- Kecihnayang indik keputusan utawi prade sentana rajeg kejejeran kepatut ngidih anak lanang sane kebawos pawiwahan nyeburin , tur risampun sulur pemerasan ketegepin kemanggehang sentana nyeburin.

Ka.Pekerabkambean mapiteges upacara tinas apadang (puput) mapikuren dwaning manut sekadi ring sor :

1. Sejeroning kebawos ngambe, kelaksanayang ring sekala niskala antuk sarana jejauman miwah pewidthi widanan.
 - a. Jejauman pinaka ngambe ngadungan kayun soang- soang pakulawargan wadone.

Na. Widiwidana ppinaka pejati niskala nunas wadone ring pemerajan kemulannya.
2. Sejeroning pekeraban rikala ketegesin olih pelaksana ring sekala :
 - a. Pinaka manusa saksi inggih punika krama banjar, dwaning parabiannia ketengeran antuk suaran kulkul.

Na. Pemekas upasaksi saking prajuru Desa Adat.

Palet 2

INDIK NYAPIHAN

Pawos 51

1. Marabian prasida kawusang:

- a. Wusan merabi sangkaning sinalih tunggil seda (lanang/ istri)

Na. Wusan merabi sangkaning palas/ pisah

- Nyapihan sangkaning wicara patut ketepas ring sang rumawos.
- Nyapihan sangkaning pada lila patut ketureksa olih sang rumawos saha ilikita.

2. Sulur palas perabian patut nganinin indik sinalih tunggil nyasar laku, ceda angga, wirosa ring laku, matilar tan pesadok, wakpurusa tan prasida adung malih.:

a. Wicara same ketumusang antuk lanang macihna :

1. Sane istri dratikrama, nyasar laku.
2. Sane istri anandel senggama wiadin maambul- ambulan ngantos nenem sasih.
3. Sane istri ceda angga.

Na. Wicara sane ketumusang antuk istri macihna :

1. Sane lanang nyasar laku.
2. Sane lanang ceda angga.
3. Tan nyanggamin nyantos 6 sasih.
4. Tan ngupajiwain nyantos 6 sasih.

Ca. Manut kecaping a wiadin na sang sinanggeh iwang kedanda manut perarem.

Ra. Yaning palas pada lila :

1. Nawur prabiya upasaksi pada atenga saha prabiya paswaran kulkul taler pada atenga.
2. Sinanggeh guru rupaka patut ngeweruhin ngupajiwain prati sentana.
3. Warisan kekuasayang antuk purusa.
4. Tetadah kekuasayang antuk niri- niri manut kepatutannia.

Ka. Sang palas merabian turmaning prasida adung malih patut ngelaksanayang upakara manut pawos 49 (1,2,3,4).

Pawos 52

1. Sang balu kebinayang dados :

a. Balu luh wit sentana (sentana rajeg) miwah balu luh boya sentana.

Na. Balu muani kepurusan (wit sentana) miwah balu muani nyeburin boya sentana.

2. Swadarmaning balu inucap patut :

a. Ngemanggehang pati brata kengin ngemargiang para dara/ drati krama.

Na. Nguasayang waris, pagunakaya, tan dados kadol, ngadeang, makidihang lan siwosan punika, sajawaning wenten kebebasan saking pianak utawi keluarga pinih nampek sakeng kurenannya prade pianak kantun alit- alit.

Ca. Kengin ngidih sentana prade wenten pidabdab sedurung sinalih tunggil padem saha kebebasan antuk kulawarga sinanggeh purusa.

Ra. Kewenangan mewiwaha malih, prade wenten kebebasang saking pianak utawi kulawarga sane pinih nampek (sane patut) kluarga purusa.

3. Balu kaucap tan pageh kadi ring sor :

a. Drati krama utawi paradara.

Na. Matilar saking pekubon tan pesadok jantos 6 sasih.

Ca. Lempas ring swadarma sane seos- seosan, tan presida ngesehin salah prewerti arep ring pituduh kulawarga purusa.

Palet 3

INDIK SENTANA

Pawos 53

1. Sentana wenten kalih pawos, sane kaucap perti sentana miwah sentana peperasan.
2. Prati sentana inggih punika sentana sane metu saking pawiwahan kepatut.
3. Prade pewiwahane tan patut, ngewetuang putra, mangda tan kantun kewastanin bebinjat utawi sastra, yogya kemanggala antuk penyangaskara.
4. Prade pewiwahane tan ngewetuang sentana kengan ngidih sentana antuk upasaksi sekala niskala sane kewastanin sentana peperasan.
5. Sentana rajeg inggih punika, pretisentana wadon (pradana) sane ngemanggehang lanang (purusa) tur risampun ngelaksanayang pewiwahan sane lanang nyeburin.
6. Sang sane dados kearsayang sentana rajeg inucap wiwit (5) inggih punika :
 - a. Prati sentana wadon tunggal.
 - Na. Sampun kemanggehang dados perti sentana lanang (purusa)
 - Ca. Pawiwahan keceburin , keutamayang jatma sane sampun ngelaksanayang pamari suda raga utawi sudi wadani.
 - Ra. Sane kemanggehang sentana rajeg patut mesadok ring prajuru Banjar taler ring prajuru Desa Adat, raris prajuru nyiarang ring krama.

Pawos 54

Tata titining ngangkat sentana / sentana peperasan :

1. Ngangkat sentana manut dudonan patut macihna arta brana pemerasan sane kesaksiang sekala niskala.
2. Sapa sira ugi krama pacang ngidih sentana, patut masadok ring prajuru Desa senistane asasih sedereng pemerasan.

3. Prajuru Desa nyiarang ring wewidangan Desa, sang sapa sira ugi rumasa tan lila mangda nyadokan masengker kalih wuku sedurung peperasan kesaksiang antuk prajuru Desa.
4. Prajuru Desa digelis mawosang saha ngicenin pemutus nepak ring catur dresta miwah perarem.
5. Prade sulur peperasan tan manut ring kecap ajeng, prajuru Desa wenang ngandeg sang pacang mekarya, saha ngicenin penuntun, mangda kepuputan riya beawos sulur utawi wicarane.

Pawos 55

Peperasan sane patut risampun macihna ;

- a. Widi widana peperasan.

Na. Kesaksiang antuk prajuru Desa sane makelingang utawi ngalikitayang tur kesiarang ring I Krama Desa.

Sane patut keperasan angge sentana kadi ring sor :

1. Jatma meagama Hindu
2. Peperasaan nedunang saking sang meras.
3. Keluarga saking purusa, prade tan wenten kengin saking wadon yening taler tan wenten, wawu kengin sekama- kama .
4. Keutamayang sakeng waris pancer kepurusa.
5. Sinalih tunggil mewiwit saking keluarga tunggal sanggah utawi merajan, paibon lan dadia utawi ngambilin anak tios sakewanten meagama Hindu. Kengin ngangkat sentana langkungan ring adiri, lanang wiadin wadon.

Palet 4

INDIK WARISAN

Pawos 56

1. Warisan inggih punika tetamian arta berana saha ayah-ayah ngupadi sukerta sekala niskala sakeng keluhurania arep ring turunania.
2. Kang sinanggeh warisan luwire :
 - a. Duwe tengah, mekadi ayah Desa, Kahyangan, Pusaka Siwa Kerana.

Na. Pemerajan

Ca: Pengunakayan, tatadan / Jiwa dana , hutang piutang.

3. Wawu kengin kebawos warisan prade wenten

a. Sang mapiturun (Pewaris)

Na. Keturunan (ahli waris)

Ca. Arta brana miwah tetegenan (ayah- ayah) maka cihna warisan.

Pawos 57

1. Ahli waris, luwire :

a. Preti sentana purusa

Na. Preti sentana predana (sentana rajeg)

Ca. Sentana peperasan (Lanang wadon)

2. Prade tan wenten kadi ring ajeng, kang sinanggeh hahli waris :

a. Turunan purusa pernah ngunggahang, rerama lanang , pekak selantur ipun rerama misan mindon

Na. Turun purusa pernah kesamping mekadi keponakan miwah mindon.

Pawos 58

1. Swadarmaning ahli waris patut :

a. Nerima saha ngutsahayang tetamian pahan saking keluhurania makadi ngerempon sanggah, kahyangan saha pangupakarania muah nyelidiyinin ayah-ayah pewaris.

Na. Ngabenan pewaris saha ngelanturang upakara-upakara pitra.

Ca. Nawurin utang-utang pewaris manut penglokika.

2. Pengepahan waris manut sekadi ring sor :

a. Risampun kalaksanayang Pitra Yadnya lan utang-utang pewaris buntas ketawur.

Na. Para ahli waris polih pahan pada sangkaning penguna kayan, sejabaning karang, tegal, carik ayahan Desa ke among antuk ahli waris kang sinanggeh Krama ngarep.

Ca. Sinanggih tunggil ahli waris kedeh pacang ngadol pedum waris mangda ngatur piuning ring Prajuru Desa, ngadol pedum waris utawi tatakan' ayah mangda rauh ayah-ayahan, yan sampun katerima ring sang sane numas Prajuru kalih Krama Desa Adat nenten mapialang.

Ra. Sinalih tunggil ahli waris tan tan polih pahan prade :

1. Nilar kawitan lan sesananing Agama.

2. Alpaka Guru Rupaka
3. Sentana rajeg kesah mewiwaha utawi prati sentana nyeburin sowang-sowang ninggal kedaton.
3. Boya ahli waris kengin nguponin hasil anut dudonan, luwire :
 - a. Sentana luh, selami dereng kesah mewiwahan kalih alpaka Guru miwah madrebe pianak tan keangkenin antuk wong tua rare inucap kengin kewarih wantah pikolih (pengunakayan) sentana luh inucap kemawon.
Na. Balu luh wiadin nyeburin (sowang-sowang boya sentana)
Ca. Mulih daha utawi teruna, riantukan ring pewiwahan pecak sampun kebawos ninggal kedaton.
4. Pewaris kengin maweweh rikala maurip pinaka jiwa dana, tatadan / bekel, maka cihna peweweh tegap ring pianak sane kesah mewiwaha.

Pawos 59

1. Prade sejeroning pekulawargan wenten ahli waris langkungan ring adiri patut :
 - a. Kawentenan paigum indik pedum waris inucap.
Na. Yan tan prasida ketunasang tetimbang ring prajuru Desa.
Ca. Prade tan wenten cumpu ring penepas kerta Desa, kengin ketembusang ring rumawos (Pengadilan Negeri)
2. Prade karang inucap keputungan, patut prajuru nibakang ring :
 - a. Sang sinanggeh ahli waris manut pawos 57.
Na. Sang kengin anggen sentana anut pawos 55 (1,2,...5)
Ca. Prade taler tan wenten cumpu ring penepas kerta Desa, kesepih sang sane nganggep patut soang- soang nedunin mekrama Desa ngarep, ayahan mepek.

Sarga VI

WICARA, PAMIDANDA MIWAH RERAMPANGAN

Palet 1

INDIK WICARA

Pawos 60

1. Sang wenang mawosin mekadi mutusan wicara ring Desa inggih punika prajuru Desa sinanggeh kerta Desa.
2. Prade sang mewicara tan wenten cumpu ring pemutus kerta Desa, kengin ring sang rumawos.

Pawos 61

1. Sahanan wicara mewiwit kecorahan sekeluwire sinanggeh tungkasan ring daging awig- awig, pasuara miwah perarem Desa / Banjar, prajuru patut digelis maosin tan nyantos pesadok.
2. Sejabā wicara kadi ring ajengpatut nyantosan pesadok sang nunas bawos.
3. Penepase patut pastika nyantenang iwang patut melarapan mari krama (saksi, ilikita saha bukti) miwah tan mareng mepek ring catur dresta.

Palet 2**INDIK PAMIDANDA****Pawos 62**

1. Desa/ Banjar wenang niwakang pamidanda ring warga Desa sane sisip.
2. Peniwak inucap kelaksanayang olih Klian Desa (Bendesa Adat)
3. Bebacakan pamidanda luwire :
 - a. Ayahan pamukun kesisipan.
 - Na Danda arta (danda saha panikel- nikelnnya miwah penikel urunan)
 - Ca. Tan polih pasayuban prajuru sami.
 - Ra. Upakara pamarisudhan.
4. Pamidanda sane ketiwakan patut masorsinggi manut ring kesisipan.
5. Pamidanda utawi raja brana pamidanda ngeranjing dados druwen Desa tengah.

Pawos 63

Pamidanda sane ketiwakang mangda nepek ring daging awig- awig, perarem miwah drestan jagat.

Palet 3**INDIK RERAMPANGAN****Pawos 64**

1. Krama sane langkung ring tigang paruman ngelantur tigang paruman ngelantur tan nganutin daging awig- awig, perarem miwah tan nawur urunan miwah

dadendan wenang kerampag , tur katur ring Guru Wisesa nerangan pedewekan melarapan antuk ilikita.

2. Rerampagan ngangge tata cara kadi ring sor :

a. Kelaksanayang antuk Klian Desa kesarengan antuk krama tigang diri maka saksi.

Na. Sang ngerampag sangkaning darsana ngambil barang utawi nyawenin tanem tuwuh, akehnya manut ring utang sang kerampag.

Ca. Prajuru miteketang mangda barang- barang sane kerampag digelis ketebus, mesengker petang sasih yan langkungan pacang keadol.

Ra. Tan kengin seluwir barang sane patut nginggilang manut Agama miwah mademang pengupa jiwa kerampag.

Sarga VII

NGUWAH NGUWUHAN AWIG-AWIG

Pawos 65

1. Nguwah nguwuhan awig-awig mangda medasar perarem Desa.
2. Perarem mangda kdasar in antuk pekarsan krama Desa.

Pawos 66

Pesuara sane jagi nguwuhin awig-awig kangkat kemedalin antuk Klian Desa/ Klian Banjar prajuru perarem miwah sinarengan.

Sarga VIII

PEMUPUT

Pawos 67

1. Awig-awig puniki kewastanin Awig Desa Adat Angantiga.
2. Awig-awig Desa Adat Angantiga kemargiang ngawit keraremin.

Pawos 68

1. Klian Desa rikala ngemargiang awig-awig saha usaha Desa patut
 - a. Mewirasa ring sehanan prayojana.

Na. Ngewentenan galah memidartayang mangda warga Desane ngupadi ngupajiwa, nincapang pengeweruh.

2. Sekeluwiring dresta sane sampun wenten patut keinutin ring awig-awig.

Pawos 69

1. Sekeluwiring sane sampun kemargiang manut tata cara , sane kebawos ring sejeroning awig-awig manawita dereng tegap kelaksanayang ta, cara sane sampun memargi.
2. Awig- awig punika keraremin ring Desa Adat Angantiga keplaspas ring rahina Anggara Kliwon Julungwangi pinanggal masehi 21 April 2002.

Pawos 70

1. Awig-awig Desa Adat Angantiga sampun keumah-umahin olih para yogya Desa Adat Angantiga tur sampun kesungkemin olih krama Desa Adat.
2. Awig-awig Desa Adat Angantiga kelinggatanganing olih Klian Desa Adat Angantiga, kesarengan antuk pangliman (Klian Banjar Adat Anagtiga), Kelian Dinas Banjar Angantiga, tur kesaksiang olih para yogya kalih sang Angawe rat.

Angantiga, 21 April 2002

Pangliman Desa Adat Angantiga



(I Wayan Suarta)

Klian Desa Adat Angantiga



(I Made Caluk)

Klian Dinas Banjar Angantiga



(I Wayan Tirta)

Kepala Desa Petang



(I Gusti Ngurah Survajaya)

MENGETAHUI / MENGESAHKAN :

Bupati Daerah TK.II Badung

Camat Petang

(A.A Ngurah Oka Rarmadi, SH)

(Drs. I Putu Eka Mertawan, Msi)

NIP : 010190630

**PARA ANGGA SANE NGEWILETIN
NGERICIKAN DAGING BANTANG AWIG-AWIG
DESA ADAT ANGANTIGA**

- | | |
|---------------|-------------------|
| 1. MANGGALA | : I MADE CALUK. |
| 2. PANGLIMAN | : I WAYAN SUARTA. |
| 3. PENYARIKAN | : I WAYAN TIRTA. |
| 4. PENYARIKAN | : I KETUT GINAYA. |
| 5. JURU RAKSA | : I MADE TURJANA. |

Kesarengin antuk pewilet saking panglingsir miwah sesepuh Krama Desa Adat Angantiga:

- | | |
|------------------------|------------------------------|
| 1. I WAYAN BERATA | (Pemangku Ring Pura Dalem) |
| 2. I GEDE SUWIRYA | (Pemangku Ring Pura Desa) |
| 3 I NYOMAN BANU | (Mantan Kelian Dinas) |
| 4. I WAYAN JENDRA | (Sesepuh Krama Desa Adat) |
| 5 I MADE SANTUN | (Mantan Kelian Desa Adat) |
| 6. I MADE RUNDU WIJAYA | (Mantan Kelian Desa Adat) |
| 7. I WAYAN KERTA | (Mantan Kelian Desa Adat) |
| 8 I NYOMAN KARTA | (Sesepuh Krama Desa Adat) |

Penyarikan Desa Adat Angantiga

(I Ketut Ginaya)



Mengetahui
Kelian Dinas Angantiga

(I Wayan Tirta)